

28.08.2020թ.

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 435402/03
ՎԱՐՉԱԿԱՆ ԻՐԱՎԱԽԱՏՈՒՄՆԵՐԻ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 28.08.2020 թվականի թիվ ~~29284~~ վարչական իրավախախտման վերաբերյալ արձանագրությունը, քննելով թիվ _____ վարույթը և կից նյութերը,

ՊԱՐԶԵՑԻ

«ՀԱՅ ԱՍՊԵՏ» Կրթադաստիարակչական բարեգործական հիմնադրամի նախագահ Կարինե Տոնոյանը (ՀՎՀՀ՝ 02701656, հասցե՝ ք.Երևան, Բագրատունյաց 36, 23) «Հիմնադրամների մասին» ՀՀ օրենքի 39-րդ հոդվածով սահմանված ժամկետում, ՀՀ պետական եկամուտների կոմիտեի կողմից սահմանված ձևով, ներկայացման և հրապարակման սահմանված կարգով՝ թերի է հրապարակել **2019թ-ի գործունեության մասին հաշվետվությունը**, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169¹⁸ հոդվածի 1-ին մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առկա է Կարինե Տոնոյանի կողմից ներկայացրած դիմում այն մասին, որ համաձայն ՀՀ ԿԳՄՍ նախարարության և «ՀԱՅ ԱՍՊԵՏ» Կրթադաստիարակչական բարեգործական հիմնադրամի միջև կնքված 16.12.2019թ. ՈՀՀԿԳՆՄԱԱՊԶԲ-19/38 պայմանագրի, նախարարության կողմից տրվել է պատվեր, որի դիմաց վճարվել է 825000 ՀՀ դրամ գումար, որն էլ արտացոլվել է 2019 թվականի տարեկան հաշվետվության մեջ:

Վերոգրյալի կապակցությամբ հարկ ենք համարում նշել, որ իրականացվել է լրացուցիչ ուսումնասիրություն, որի արդյունքում պարզվել է, որ «ՀԱՅ ԱՍՊԵՏ» Կրթադաստիարակչական բարեգործական հիմնադրամը հանրային միջոցներից ֆինանսավորվել է 1.046.478 ՀՀ դրամ, սակայն հաշվետվության 8.3 կետում նշված է 825.000 ՀՀ դրամ:


Վարչական վարույթի շրջանակներում կատարված ուսումնասիրությունների արդյունքում պարզվել, որ «ՀԱՅ ԱՍՊԵՏ» Կրթադաստիարակչական բարեգործական հիմնադրամը AP-223-1073-2019 պայմանագրի համաձայն այլ ընթացիկ դրամաշնորհների տողով ստացել է 221478 ՀՀ դրամ ֆինանսավորում, որը չի արտացոլվել հիմնադրամի 2019 թվականի գործունեության հաշվառվության մեջ, հետևաբար վարչական պատասխանատվությունից ազատելու հիմքերը բացակայում են:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹⁸ հոդվածի 1-ին մասի, Կարինե Տոնոյանի նկատմամբ կիրառել վարչական տույժ՝ նախազգուշացում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ԿՈՄԻՏԵ ԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Հոդված 169,¹⁸ 1-ին մաս՝ Հիմնադրամների կողմից հաշվետվությունը թերի հրապարակելու կամ օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը՝ առաջացնում է նախազգուշացում՝ հիմնադրամների պաշտոնատար անձանց նկատմամբ:

Հոդված 169,18 2-րդ մաս՝ Սույն հոդվածի 1-ին մասով նախատեսված նախազգուշացման նշանակման մասին որոշմանը իրազեկվելու օրվանից հետո՝ երեսուն օրվա ընթացքում, հիմնադրամի կողմից սույն հոդվածով նախատեսված խախտումը (խախտումները) չվերացնելը՝ առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը հանձնելու /հանձնված համարվելու/ օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Ստացա որոշման պատճենը _____